

求一道者，不覺而自覺也，今以人生與宗教一文，合併論之。

鍾離太師示 丁未四月十五日（一九六七）

一眞之微，在乎人心，一眞之妙，在乎修養

俗世修行證道眞，三千功果了俗塵，
造化還原登覺岸，善德雙行好修身。

玄門闡教，旨在度人，性命之雙修，一眞在抱，凡人之立命也，屬先天所定，性之所由來，亦先天之所配，一性一命，凡胎未出先天率定之，人之入世也，乃屬後天，若不修性葆命，則隨數之盡而歿也，若修而養之，則造化雖定，亦可離五行，越陰陽，而不爲天地造化所拘束也。人之得其道者，非性命雙修不爲功。晚近之世，火宅修行，眞雖在而不易見之，眞雖得而不易知之，一眞之微，存乎人心，一眞之妙，在乎修養，修養需時，非朝夕可得者，六欲與七情，四關和三毒，亦非朝夕可能離之，漸行漸修，漸覺漸悟，方竟全功。學道如行路也，路途遙遠，百里之程當非迅速可達，虔誠篤行，矢志不移者，當能達最終之道也，在修養期中，勿操之過切，舉凡內外二門，應以靜而後動，倘一動則不能永靜也。

老君曰：止於寂靜，如何能寂，先從靜字開端，靜而後動，動至無所動，再趨於清靜之境，靜至無所靜，五蘊俱空，一塵不沾，則寂寂之門，當自現也。

今歲天運不常，塵海之中，劫孽頻頻，凡屬玄門之士，更應淬礪以修真功，生滅無足悼，富貴無足惜，殷殷而求之者，一道也，學道者，勿爲天地造化之所拘，則道亦得矣，鑒諸生之誠，聊具數言，來相勉耳。

呂祖先師示 丁未五月初一日（一九六七）

脫本數而別別緣，惟一道能之

人道兩緣合亦分，數中有數證現因，

緣數合分參真諦，寄語般般俗世人。

死生有定，富貴在天，此人間世之俗理也，人生世上，實本定數而生而歿，此天地之循環，亦因果之數理也，惟是一道之在，衆生可能超乎人數而避卻於本來者，究其真因，實一道之所致，人之生也，生死之數，定於未生時，貧賤富貴，註於未入世之間，人之入世也，當從本來之數而行之者，但有者離原定之數，不知凡幾，固貧而不貧，決死而不滅，間有離造化而不循其數，若此豈天道之失常，數緣之混亂者乎，又曰，善者而從惡滅，惡者而能盛昌，此亦悖天道之不全，實非眞善之道，豈知一緣之積，一數之定，雖屬生與俱來，然在一道之中，亦可轉移其緣數也，譬之甲者壽元六十之數也，若從人道而行之，則緣數俱在，不可免也，若積德以行仁，從道而行善，則花甲之辰，在數外之數，緣外之因，其壽元永續而不斷也，或曰一人之數，居於意外之亡，但人能積德，以數化數，因緣

秦皇欲得長生藥，宰輔南來覓仙方，
白雲深處成眞道，位列金仙在上蒼，
悲天憫人來濟世，更助玄門闡教揚，
年年此日逢壽域，敬祝仙翁道無疆。

鄭安期金仙示 辛亥七月廿四日（一九七一）

能清靜而無爲，乃證眞虛之境

孚佑推崇助道功，愧我無才闡道風，
玉門弟子三才遍，度盡羣生苦難中，
珠海白雲依舊樣，不堪回首話前容，
謝謝諸生虔眞念，到壇一叙說玄宗。

古之帝皇，今之元首，既擁天下，又欲長生，此慾海之中，人欲無盡也，是故太上創教，行修之門，首重除慾，去妄思，然後得入清靜之門，再尋玄妙之眞法者，故有清靜經遺傳人海，清者，除慾妄，閉七情而離六慾則證於一清，一得以清，自然趨靜，靜至無所有，則一切皆入寂境，至無所寂，則生生不生，滅滅不滅，既不生，又不滅，則一切無爲，能一切無所爲，乃證眞虛，一道之眞，從而可覺，但世人知者易，行者艱，心堅則不難也。

太上無爲之道，只此清靜二字，乃修法入門之首徑也，衆子習道多年，從武水而珠水，再而香海，三易斯地，三易法壇，諒一道之微，應頗領會，見微當知其著，圓覺尋眞，進而皈依大道，證人證己，乃大道之旨宗，從道修身，乃鍛煉之眞徑，立斯願不斷而行，則終南抱運，自貫初衷也，願衆子勉於道。

柳天尊示 辛亥八月十五日（一九七一）

固根培本，一道在焉

本立道則生，德立善積層，
一玄通妙理，九天也可登。

處世之道，除八目四德外，首在固本，內煉亦然，本不能立，則一切均茫然也，本從根上起，根即基也，能固根而培本者，一道在焉，古今修道之士，大多根基固厚，獨惜不培其本，棄一道於途而不自覺者，大不乏人，本者來源也，從何處來，應自何處去，來去能自如，道始可得，來去不分明，或明去而昧其來者，則雖具大智慧而不得全其道也矣，處世亦如是，忘其本，不得謂之人，此先聖之諺言，舉凡學道之士，應先明其本，譬之內煉，本即人之精，根乃人之靈，倘只修一靈而不固其精者，或可脫凡胎，但不能入於仙聖之列，吾得遇
呂先師之栽植引導

陸雨松眞仙示

壬子二月初二日（一九七二）

神功，道功，眞功之可證

虔誠來學道，德種萬年香，修真成道妙，在塵却禍殃，
蔭澤兒孫者，兒孫反蔭昌，全家行道範，一道最名揚，
自身修道煉，靈性亦光昌，苦行和苦學，眞道見當場，
學至虛無有，其道自然張。

歲首又臨，光陰易逝，吾門諸子，進於道又一載矣，能積功德，可證神功，能學眞理，可證道功，能煉眞道，可格眞功，俗世學道者，其最終之道，不外三者之一。

呂帝願行，偉哉大矣，千載以來，桃李滿門，陰陽各異，所得者，三者俱備，都天諸仙聖中，及人地之各級神祇，類多呂門子弟，此無他，度人之行願所得之果也，願衆子眞行力學，以格於眞，則寶筏撐來，盡登覺岸也，蒙諸生壇前虔祝，謹代各級神祇以言，機緣一至，再作鸞談也。

王天君總護法示

壬子二月十六日（一九七二）

略說虛無之道

護道護法亦護人，虛無一點見玄眞，

都天遍設通三界，兼憑神力度俗塵，
三才到處有神靈，濟世度人在玉清，
孚佑度人無量盡，世人能否反本清，
立善立德好修身，心明性見是爲君，
三清一炁能自結，內外修行亦主賓，
一道行來宇宙中，世人能否習真功，
一朝到得無我體，聖仙神佛證真踪。

一道無分南北，養性奚論西東，若論修持，先以善德爲本，既具善德，再言道功，道功既備，始言真功，真得真虛，是無上乘法，可證仙聖之列，尚未格於真者，亦列神功，神功者何，有德居之，神有三界之神，仙有九天之別，積德以達神功，煉道以證真功，真修非易，至虛難求，人既爲萬物之靈，能超乎智慧者，則由實而還虛，真虛在抱，更進於太虛，太虛虛無，更而進於虛虛無無之境，三教聖人及各仙聖，即居於此，既無若虛，覺虛實無，從而至無無有有，化而至有有無無，太虛之境，即此理也。
玉門諸子，類多行道有年，故略語虛無之道，俾諸子有所精研也。
天運仍暗晦，大道未昌明，奉勸玄門弟子，亟亟行行，大道無邊，同登覺岸也。

壬子二月十九日（一九七二）
呂祖先師祝詞

悲慈救世行方便，佛國於今第一神，
朵朵蓮花甘露放，濟生濟死挽天眞。

觀音大士示

不受苦難，不證菩提

佛說難易知行，了然一道，難者維艱，不難非艱，易無及一、二者不易，不知來去，缺大智慧，能知來去，眞者自現，行而復行，不難於途，常行一軌，色空自現，佛又曰，知德從德，乃見善德，積德從彙，是眞本德，求受之者，不明其知，是乃眞知，不受苦難，不證菩提，能了苦難，不知其艱，行有相識，非眞空色，行不自覺，了於普願，是眞行者，四戒能受，當三皈依，四緣未絕，應行方便門，修者道之始也，道者修之因也，能始其因，應證其果，因在前，果在後，前緣不絕，因因相乘，小乘了了，進之於中上，上上無爲，乃至色空，是眞無上法，此道之果也，因果既了，四大皆空，無相無色，受大菩薩戒而晉於佛國。

玄門子弟，釋道同參，數十韶華，菩提已種，未入三摩，願諸善知識，聞易知難，守行不缺，同證菩提也。

呂祖先師示：

大士訓詞，爲學道者之箴規，理亦如一，諸子多參之，便有所覺也。

故也。如夢幻，如泡影，雖性靈不昧，難求果證也。入世之士，應緣而修，心常住於一道，則應天順人，修爲自在也。玄門子豈不知哉，極樂彼岸，願衆同登也。

濟世聖佛示 戊午三月廿二日（一九七八）

養眞之道

數聲魚罄送梵宮，我欲歸去又乘風，
綺夢由來人未醒，三期依舊古今同。

世人夢未醒，情慾艾方興，除慾求真道，
方可現眞靈，酒醉應當醒，回頭覺岸聲，
修爲應自作，無我始聘婷，欲繞三尸內，
虛空雖見經，我今來說法，願衆細心聽。

我之顛僧名，已由唐迄今矣。吾乃眞顛，世人假顛。吾度世之法，其主旨，執二法以應之，其一爲以慾除慾，其二爲以慾制慾，若此，世人之慾，則自滅矣。吾於廿載前，在羊城曾細言之，今夕所論，爲養眞之道。古聖云：「養浩然之炁，得配天心。」養者，孕育也，育其本性也。人先天之性，屬清而明，後天之性，混而濁，欲求養性以葆命，必先養至虛無之境。眞者，元眞也，先天混元，後天胎元，先者爲眞，後者爲假，眞假混合，若不清澄之，難現其本，眞假合一，遂成塵俗。欲返其本，先從去假留眞，先天無爲，後

天有爲，以有爲之法，而化於無爲之境，此眞修之道也。諸子習玄已久，應澈明此理，始可有成。

圓玄曾建有養眞軒之設，落成日久，未得適當之門聯，日昨

孚佑曾請賜聯以補壁，今夕適論養眞之道，順付一聯，以爲補壁矣。聯文曰：「養至虛無我，眞修棄有爲」。願玄門諸子，善體師心，力行道功，勤修玄妙，方不負列聖之所期也。

呂天尊示 戊午四月十四日（一九七八）

孚佑帝君十五甲子華誕

是日爲

孚佑帝君十五甲子之大誕芳辰，昨夕子刻，

三界仙聖暨

都天無極、

瑤池王母等，均在上清宮爲

呂師祝嘏。

釋門由

生，舉凡處事，常存秉公之心，能公必正，能正者，亦可消災也。因此，凡爲玄門之子者，應明此理，凡事能公，憑正義以處事，則事無不成也。則玄道之闡，亦可弘揚，眞道之範，亦可發揚於今日之世。若此，眞道之興，自有可期也。吾願玄門之子，明乎斯理，互勉之可。

呂師示：欣逢靈侯誕，千秋祝稱觴，

天人同慶日，萬壽祝無疆。

太上道祖示 辛酉七月初一日（一九八一）

養眞之旨

修道必須要養眞，養眞葆命固自身，

太極混元成一炁，始能果證了凡塵。

修道之士，欲求有成，必先養眞，眞能養，命可葆。全眞門下，向以內外雙修，行善積德爲主旨。欲求眞煉有成，一眞之養，務宜能明其理，通其竅，則眞元不洩，能維天地之始。所謂一炁混元，實三品之同合，精固而神定之，神定而氣合之，此混元之基也。太極爲無有，無則中虛，有則實虛，出乎無有，至上則極，極至無聞、無聲、無觸、無覺，眞則現矣。眞現而抱守，謂之得常，若不能守，謂之失常也。玄門諸子，既習道功，養眞之道，自不可忘，智慧之士，平素有習於內外二門者，可常參此文，悟之記之，自得其

奧，明其奧而學習之，則一真之養，自可如願也，勤習之。

呂師示：

太上聖訓，似屬內修之門，惟是不入內修之篇，所示之理，純爲開示諸子修真養真之旨，能明悟之，能勤習之，則一真之得，自可養性葆命也。

關於內外修篇，衆子有擬重刊之，惟是篇數未完，應待全數示出，始行付梓。衆子均感奇異者，爲何歲月已久，仍未全示，今特闡明之。蓋近百年來，全真復興時，已定內外雙修之旨，俾示世人，修研之道，故有內外之篇。此書倘一氣呵成，則不爲世人所重視，同時天道與人道，天心與人心，亦應二者相配，始可合緣。不觀乎疊次中道而斷，亦屢斷而續，實因人心之得失，有以致之。人心得，天心應，則持續之，人道兩心，善德斷續，則斯篇自行間歇也。但必在最近之未來，全部示出，此朝夕之間事耳，諸子毋須急燥，全部完成，再行付梓可。

鄭安期金仙示 辛酉七月廿四日（一九八一）

離六道循環，始謂得道

白雲仍是漢時秋，有道千秋萬古留，
紅塵歷劫多變幻，果證何須六道投。

天地之變幻，人間之歷劫，千百年來，循環不息，生生滅滅，循環不已，萬物皆如是